

Letsatsi la Lefatshe la Puisetsogodimo



le Na'ibali

Kopanela le diketekete tsa batsayakarolo fa re ntse re buisetsa bana ba bantsi ka mo re ka kgonang ka teng leinane la rona le le kgethegileng ka Letsatsi leno la Lefatshe la Puisetsogodimo, ka Tlhakole 5, 2025 – le ka letsatsi lengwe le lengwe – mme o nne karolo ya go aga bokgoni jwa go buisa mo Aforika Borwa! Leinane la rona le le kgethegileng, *Ke eng se?*, le kwadilwe ke Baeletsi Tsatsi mme le tshwantshitswe ke Rico. Leinane leno le teng ka dipuo tsothle tse 11 tsa Semmuso tsa mo Aforika Borwa.



Ipaakanyetse go buisetsa leinane kwa godimo

- * Itse leinane sentle gore o kgone go tlotla gape ka lone kgotsa go le buisetsa kwa godimo ka tsela ya gago.
- * Akanya ka se o ka se dirang go dira gore leinane leno le nne le botshelo. Swetsa gore o batla go dirisa tebe go efe ya sefatlhego le go itshikinya mmele gofe.
- * Tlhopha nako mo letsatsing e o ka buang ka leinane leno fa lelapa lotlhe le le mmogo.
- * Ithapisetse go tlotla kgotsa go buisetsa leinane kwa godimo.



Pele ga o buisetsa leinane kwa godimo

- * Buisa setlhogo sa leinane. Botsa bana ba gago gore ba akanya gore leinane le bua ka eng.
- * Botsa dipotso tse di tla thusang bana ba gago go ananeela go kgona go tlhologanya dipuo tse di farologaneng.

Megopolo e re ka buang ka yona: Ke (di)pupo e o e buang? Goreng o akanya gore go botlhokwa go tlhologanya dipuo tse di farologaneng? A o itse mafoko mangwe a re ka a dirisang go ralala dipuo mo Aforikaborwa? Ke dife?




Fa o ntse o buisetsa leinane kwa godimo

- * Fa o ntse o buisa leinane, botsa bana ba gago dipotso ka lone. "O akanya gore go tla diragala eng morago ga seno?", ke potso e ntle go godisa bokgoni jwa bana jwa go bonela dilo pele, e leng bokgoni jo bo botlhokwa mo bokgoning jwa bana jwa go ithuta go buisa le go kwala.
- * Bua ka ga ditshwantsho. Botsa, "Ke mang mo setshwantsho se?", "Setshwantsho se re bontsha eng?" kgotsa "Goreng setshwantsho se le botlhokwa go aga leinane?"

Godisa lerato la dikgang! Fetisetsa motswedi wa kgang eno kgotsa o e arolelane le mongwe yo o mo itseng.



Dirang maikano a gore lo tla buisetsa kwa godimo jaaka lelapa mo Letsatsing leno la Lefatshe la Puisetsogodimo – le letsatsi lengwe le lengwe. Ikwadise mo go www.nalibali.org kgotsa romela lefoko "WRAD" ka WhatsApp go 0600 44 22 55.



Ke eng se?

Leinane la ga Baeletsi Tsatsi ✨ Ditshwantsho ka Rico



Gompiano ke letsatsi la ntlha la malatsi a boikhutso a dikolo! Gape letsatsi la mebaraka, Mme wa Afrika o isa Afrika le Dintle kwa mmaketeng go reka setshamekisi kgotsa menatenate.

“Gona le maemo a le mangwe fela pele o ka bona setshamekisi kgotsa menatenate ya gago,” Mme wa Afrika a rialo ka monyebo. “O tshwanetse go bo itse leina la sona ka Setswana le Sekgowa!”

Afrika o batla o batla sefethlaphefo se sennyane, sa mebala se a se boning la bofelo fa ba le mo dimmarakeng. Se mo gopotsa difethlaphefo tse a tlang a di bone mo dipolaseng tse di gaufi.


“Leba mebala ya sona! O kgona go se bona o le kgakala,” a bolelela Dintle, a supa sefethlaphefo mo tseleng go ya tekesing.

Afrika o itse se a se batlang fela ga a ise a itse leina la sona ka Setswana. Leano ke go botsa mongwe le mongwe fela yo a kopanang nae gore lefoko la Setswana ke lefe.

“Dumela, Malome,” Afrika a dumedisa Mokgweetsi wa tekesi a palama fa pele.

Mo tseleng go ya mmarakeng, Afrika a bona sefethlaphefo se a se ratang bogolo mo polaseng e e gaufi mme a se supa. “Malome, selo se se bidiwa eng?” a botsa.

“I-windmill, mosimane wa me?” kgweetsi a botsa, a tshega.



“Ke raya, se bidiwa eng ka Setswana?” Afrika a seba.

“I-windmill yi windmill,” Mokgweetsi a rialo, a oketsa modumo wa radiyo ya tekesi.

Ga se Karabo e Afrika a e tlhokang.

Fa ba goroga kwa mmarakeng, Afrika a bona tsala ya gagwe Maduo, le mmagwe. Ka lentswe le le sebang, a botsa mmagwe Maduo, “Lefoko la windmill ka Setswana ke lefe?”

“Ke windy milly,” a rialo Mme wa Maduo.

Afrika ga a akanye gore ke leinatota la Setswana la windimili, fela a leboga Mme wa Maduo pele a boela go balelapa la gagwe.

Mme wa Afrika o isa bana kwa setaleng sa maungo. Diapole tse khibidu di phatsima tota. “A o tla rata diapole dingwe?” Mme a botsa.

“Nnyaa, ke a leboga,” a rialo Afrika.



Mo tseleng go ya go reka merogo, ba bona dipopo tse dinnye, tse di boraono tsa batho le diphologolo.

“Mme, bona Gogo,” Dintle a rialo ka Boitumelo, a supa sefikantswe sa mosadimologo.

“A o ka rata sefikantswe, Afrika?” Mme a botsa.

“Nnyaa, ke a leboga,” a rialo Afrika, a nyeba le go tshikhinya tlhogo.

Afrika a ya go bua le mosadi yo o ntseng kwa difikantsweng tse di betlilweng. “Dumela, Mama, a o ka dira nngwe ya tsele?” Afrika abo tsa, a supa sefethlaphefo sa bontsho le bosweu kwa kgakala.

“Ke kgona go betla sengwe le sengwe ka legong, Mosimane wa me,” a araba ka boipelo.

“Ee!” Afrika a ikakanyetsa mme a bina go le gonnye. “a o ka mpoletela gore se bidiwa eng ka setswana?” a botsa.

“Ee, bana ba malatsi a! Dipotso tsa bona,” mosadi a bua ntle le go araba.

Fa Afrika, mmagwe le Dintle ba tswetse go tsamaya mo mmarakeng, ba bona Mosimane a tshameka ka koloi ya setshamekisi ya thini. Maotwana a dirilwe ka dikhurumelo.

“A o ka rata koloi ya setshamekisi, Afrika?” Mme a botsa.

“Nnyaa, ke a leboga,” a rialo Afrika.

Morago a se bona! Sefethlaphefo se sennye mo godimo ga tafole, ka magare a mebala a dikologa mo moweng.

“Se sentle,” Mme a raya Afrika, a tota a boga sefethlaphefo.

“Se sona se ke se batlang,” Afrika a rialo mme a retologela kwa tafoleng.



“Ee, o itse tumalano,” Mme a rialo a ema fa thoko ga gagwe.

Afrika a lemoga gore o santse a sa itse lefoko la windimili ka Setswana.

“Dumela, Mme,” Afrika a dumedisa mosadi wa morekisi. “Ditshamekisi tsotlhe tsa gago di dintle!”

“Ke a leboga! Re di dira ka materiale wa tirisogape,” mosadi a rialo a neela Afrika windimili e a e lebileng.

“Fela selo se ka eng?” Mme wa Afrika a botsa, a lebile Afrika.

“Ke sefelo sa moea. A o batla sengwe gape?”

a rialo mosadi a akanya gore Mme wa Afrika o bua le ene.

A nyeba go gaisa Afrika. “A nka iponna se, tswetswee?” a rialo.

“Ke eng se?” Mme wa Afrika a botsa, a duelela sefethaphefo.

“Ke sefelo sa moea,” Afrika a rialo ka phenyo. Morago a tsholela sefethaphefo godimo ga tlhogo jaaka terofi mme a boga fa magare a sona a dikoloswa ke phefo. “Ke tsela e ntle go ithuta lefoko le leswa, a ga go jalo, Dintle!” a rialo ka boitumelo.



Nna le matlhagatlhaga a leinane!

- * Buang ka se se diragetseng mo leinaneng. Botsa dipotso tse di fatang maikutlo go rotloetsa bana ba gago go akanya le go bua ka megopolo e e amanang le leinane, ka sekai, “Karolo e o e ratang thata ya leinane ke efe?”
- * Fa o na le bana ba bagolwane, ba rotloetse go batla gore ‘windmill’ ke eng ka bonnye dipuo tse dingwe tse pedi.

- * Thala setshwantsho sa setshamekisi kgotsa monatenate wa mmamoratwa wa gago.
- * Kwalang lenaane la ditshamekisi kgotsa menatenate ya mmamoratwa ka puo ya gae ya gago. Jaanong batla le go kwala maina a ditshamekisi kgotsa menatenate ka bonnye peo e nngwe fela.
- * Mmogo le balelapa, dirang setshamekisi sa sefethaphefo le dirisa dikotana, wulu kgotsa mogala, pampiri le sekgomaretsi.



Bontsha ba bangwe dinepe le dibidio tsa gago le bana ba gago lo itumelela leinane la Letsatsi la Lefatshe la Puisetsogodimo le dilo tse lo di dirileng mo go mo metsweding ya rona ya dikgang #nalibaliwrad2025!

 TheNalibaliChannel

 nalibaliSA

 @nalibaliSA

 @nalibalisa

 @nalibalisa

 nalibalisa

 The Nal'ibali Trust

 0600 44 22 54


GO SIMOLOLA
KA LEINANE.

Nal'ibali (ke lefoko la Sexhosa le le rayang 'leinane ke leno') ke letsholo le le dirwang mo nageng yotlhe la go balela monate fela.



Setswana